


九

唐人絕句
七言九



萬首唐人絕句卷第三十八

七言一百首

重陽二首

趙嘏十七首

節逢重九海門外家在五湖煙水東還向秋山覓詩
句伴僧吟對菊花風

病酒堅辭綺席春菊花空伴水邊身由來舉止非閑
雅不是龍山落帽人

十無詩寄桂府楊中丞

琴酒曾將風月須謝公名跡滿江湖不知貴擁旌旗
後猶暇憐詩愛酒無

長安
孫
詩
卷
三
十
八

重
陽
二
首

東省南宮興不孤幾因詩酒謬招呼一從開署芙蓉
幕曾向風前記得無

遙聞桂水遶城隅城上江山滿畫圖為問訾家洲畔
月清秋擬許醉狂無

日暮江邊一小儒空憐未有白髭鬚馬融已貴諸生
老猶自容窺絳帳無

一種吟詩號孔徒滄江有客獨踈愚初筵盡辟知名
士許到風前月下無

望斷南雲日已晡便應憑夢過重湖不知自古登龍
者曾有因詩泥得無

早游門館一樵夫祇愛吟詩傍藥爐旌旆滿江身不
見思言記得潁川無

孔融襟抱稱名儒愛物憐才與世殊今日賓階忘姓
字當時省記薦雄無

僻愛江山俯坐隅人間不是便為圖樽前為問神仙
伴肯向三清慰薦無

膺門不避額逢朱絕境由來卷軸須早忝阿戎詩友
契趨庭曾薦禰生無

寄山僧

雲裏幽僧不置房椽花藤葉蓋禪牀朝來逢著山中

伴聞說新移最上方

喜張濱及第

九轉丹成最上仙
青天暖日踏雲軒
春風賀喜無言
語排比花枝滿杏園

贈張濱榜頭被駁落

莫向花前泣酒杯
謫仙依舊是仙才
猶堪與世爲祥
瑞曾到蓬山頂上來

悼亡二首

一燭從風到奈何
二年衾枕逐流波
雖知不得公然
淚時泣闌干恨更多

明月蕭蕭海上風
君歸泉路我飄蓬
門前雖有如花
貌爭奈如花心不同

送張主簿

顧非熊四首

松窻久是食霞客
山縣新爲主印官
混俗故來分利
祿不教長作異人看

瓜洲送朱萬言

渡頭風晚葉飛頻
君去還吳我入秦
雙淚別家猶未
斷不堪仍送故鄉人

秋夜長安病後作

秋中帝里經旬雨
晴後蟬聲更不聞
牢落閑庭新病

起故鄉南去鴈成羣

題王使君片玉

勢似孤峯一片成坐來疑有白雲生主人莫怪殷勤
看遠客長懷舊隱情

代宮嬪

柳公權一首

不分前時忤主恩已甘寂寞守長門今朝却得君王
顧重入椒房拭淚痕

楓橋夜泊

張繼二首

月落烏啼霜滿天江楓漁火對愁眠姑蘇城外寒山
寺夜半鐘聲到客船

閬門即事

耕夫占募逐樓船春草青青萬頃田試上吳門看郡
郭清明幾處有新煙

晚涼

裴夷直三十六首

簷前蔽日多高樹竹下添池有小渠山客野僧歸去
後晚涼移案獨臨書

和周侍御洛城雪

天街飛轡踏瓊英四顧全疑在玉京一種相如抽祕
思兔園那比鳳皇城

奉和大梁相公送人二首

謝公日日傷離別又向西堂送阿連想到越中秋已
盡鏡湖應羨月團圓

北津楊柳迎煙綠南岸闌干映水紅君到襄陽渡江
處始應回首憶羊公

酬唐仁烈相別後喜隔風未發見寄

離心一起淚雙流春浪無情也白頭風若有知須放
去莫教重別又重愁

秦中卧病思歸

索索涼風滿樹頭破窻殘月五更秋病身歸處吳江
上一寸心中萬里愁

送王績

翠羽長將玉樹期偶然飛下肯多時翩翩一路嵐陰
晚却入青葱宿舊枝

贈美人琴絃

應從玉指到金徽萬態千情料可知今夜燈前湘水
怨殷勤封在七條絲

病中知皇子陂荷花盛發寄王績

十里蓮塘路不賒病來簾外是天涯煩君四句遙相
寄應得詩中便看花

歲日先把屠蘇酒

自知年幾偏應少，先把屠蘇不讓春。
儻更數年逢此日，還應惆悵羨他人。

上下七盤二首

斗回山路掩皇州，二載歡娛一望休。
從此萬重青嶂合，無因更得重回頭。

商山半月雨漫漫，偶值新晴下七盤。
山似換來天似洗，可憐風日到長安。

八月十五日夜

去年今夜在商州，還爲清光上驛樓。
宛是依依舊顏色，自憐人換幾般愁。

南詔朱藤杖

六節南藤色似朱，拄行階砌勝人扶。
會須將入深山去，倚看雲泉作老夫。

夜意

蕭疎盡地林無影，浩蕩連天月有波。
獨立空亭人睡後，洛橋風便水聲多。

漫作

月色莫來孤寢處，春風任向別人家。
梁園桃李雖無數，斷定今年不看來。

訪劉君

擾擾馳蹄又走輪
五車飛盡九衢塵
靈芝破觀深松院
還有齋時未起人

楊柳枝詞

已作綠絲籠曉日
又成飛絮撲晴波
隋家不合栽楊柳
長遣行人春恨多

寄杭州崔使君

朝下歸來只閉關
羨君高步出人寰
三年不見塵中事
滿眼江濤送雪山

窮冬曲江閑步

雪盡南坡鴈北飛
草根春意勝春暉
曲江永日無人到
獨遶寒池又獨歸

到獨遶寒池又獨歸

省中題新植雙松

端坐高宮起遠心
雲高水闊共幽沉
更堂寓直將誰語
自種雙松伴夜吟

崇山郡

地盡炎荒瘴海頭
聖朝今又放驩兜
交州已在南天外
更過交州四五州

臨水

一見心原斷百憂
益知身世兩悠悠
江亭獨倚欄干處
人亦無言水自流

題江上柳寄李使君

桂江南度無楊柳見此令人眼暫明
應學郡中賢太守依依相向許多情

江上見月懷古

月上江平夜不風伏波遺跡半成空
今宵倍欲悲陵谷銅柱分明在水中

鸚鵡

勸爾莫移禽鳥性翠毛紅紫任天真
如今漫學人言巧解語終須累爾身

寄婺州李給事二首

心盡玉皇恩已遠跡留江郡官應孤
不知壯氣今何似猶得凌雲貫日無
瘴鬼翻能念直心五年相遇不相侵
目前唯有思君病無底滄溟未是深

秋日

六眸龜北涼應早三足烏南日正長
常記京關怨搖落如今目斷滿林霜

遣意

梧桐墜露露悲先朽松桂凌霜倚後枯
不是世間長在物暫分貞脆竟何殊

戲酬惟賞上人

師是浮雲無着身我居塵網敢相親
應從海上秋風便偶自飛來不爲人

寓言

流水頽陽不暫停東流西落兩無情
不是世間人自老古來華髮此中生

憶家

天海相連無盡處夢魂來往尚應難
誰言南海無霜雪試向愁人兩鬢看

留客

青梅欲熟笋初長嫩綠新陰遶砌涼
湖館翛然無俗客白衣居士且匡牀

別蘄春王判官

四十年來真久故三千里外暫相逢
今日一盃成遠別煙波眇眇恨重重

將發循州社日於所居館宴送

浪花如雪疊江風社過高秋萬恨中
明日便隨江燕去依依俱是故巢空

亂後經淮陰岸

朱放 三首

荒村古岸誰家在野水溪雲處處愁
唯有河邊衰柳

樹蟬聲相送到揚州

別李季蘭

古岸新花開一枝岸旁花下有分離莫將羅袖拂花落便是行人腸斷時

九日期登山不得往因贈楊疑

欲從携手登高去一到門前意已無那得更將頭上髮學他年少插茱萸

尋山家

長孫佐輔 三首

獨訪山家歇還涉茅屋斜連隔松葉主人聞語未開門繞籬野菜飛黃蝶

沼邊枯樹

野火燒枝水洗根數圍枯樹半心存應是無機承雨露却將春色寄苔痕

別友人

愁多不忍醒時別想極還尋靜處行誰遣同衾又分手不如行路本無情

祠漁山神女歌二首

王叡

蓮草頭花椰葉裙蒲葦穴樹下舞蠻雲引領望江遙滴酒白蘋風起水生文

棖棖山響谷琵琶酒濕青莎肉飼鴉樹葉無聲神去

後紙錢灰出木綿花

即事奉呈韋使君 秦系 一首

久卧雲閒已息機青袍忽着狎鷗飛詩興到來無一事郡中今有謝元暉

宴城東莊 崔思 一首

一月生人笑幾回相逢相值且銜杯眼看春色如流水今日殘花昨日開

同前 崔敏童 一首

一年過又一年春百歲曾無百歲人能向花中幾回醉十千沽酒莫辭頻

長門怨二首 劉阜 二首

宮殿沉沉月欲分昭陽更漏不堪聞珊瑚枕上千行淚不是思君是恨君

蟬鬢慵梳倚帳門蛾眉不掃惜承恩傍人未必知心事一面殘粧空淚痕

漁陽將軍 張為 一首

霜髭擁頰對窮秋着白貂裘獨上樓向北望星提劍立一生長為國家憂

婕妤怨 王沈 一首

長信梨花暗欲栖應門上鑰草萋萋春風吹花亂撲

戶班絕車聲不至啼

湘中謠二首

崔塗 十三首

煙愁雨細雲冥冥杜蘭香老三湘清故山望斷不知處
鷓鴣隔花時一聲

蒼山遙遙江潏潏路傍老盡一閑人王孫不見草空綠
惆悵渡頭春復春

泉

遠辭巖竇瀉潺潺靜拂雲根別故山可惜寒聲留不
得旋添波浪向人間

感花

繡軛香鞵夜不歸少年爭惜最紅枝東風一陣黃昏
雨又到繁花夢覺時

巫山旅別

五千里外三年客十二峯前一望秋無限別竟招不
得夕陽西下水東流

雲

得路直爲霖濟物不然閑共鶴忘機無端是向陽臺
畔長送襄王暮雨歸

澗松

寸寸凌霜長勁條路人猶笑未干霄南園桃李誠堪

羨爭柰春殘又寂寥

讀漢武內傳

分明三鳥下儲胥一覺鈞天夢不如爭那白頭方士
到茂陵紅樹已蕭疎

聲

歡戚猶來恨不平此中高下本無情韓娥絕唱唐衢
哭盡是人間第一聲

題海棠花圖

海棠花底三年住不覺海棠花盛開却向江南看圖
畫始慙虛到蜀中來

上巳日

未敢分明賞物華十年如見夢中花遊人過盡衡門
掩獨自凭欄到日斜

夷陵夜泊

家依楚塞窮秋別身逐孤舟萬里行一曲巴歌半江
月便應消得二毛生

放鷓鴣

秋入池塘風露微曉開籠檻看初飛滿身金翠畫不
得無限煙波何處歸

江雨望花

盧中

八首集名蘆中
不載姓名

細雨滿江春水漲好風留客野梅香避秦不是無歸
意一度逢花一斷腸

初識梅花

江北不如南地暖江南好斷北人腸燕脂桃頰梨花
粉共作寒梅一面粧

折楊柳

朝朝車馬如蓬轉處處江山待客歸若使人閒少離
別楊花應合過春飛

七夕

年年七夕渡瑤軒誰道秋期有淚痕自是人間一周

歲何妨天上只黃昏

泛楚江

九重城外家書遠百里洲前客棹還金印碧幢如見
問一生安穩是長閑

讀庾信集

四朝十帝盡風流建業長安兩醉遊唯有一篇楊柳
曲江南江北爲君愁

題授陽鎮路

越鳥巢邊溪路斷秦人耕處洞門開小桃花發春風
起千里江山一夢回

初過漢江

襄陽好向峴亭看人物蕭條值歲闌為想習家多置酒夜來風雪過江寒

經劉校書墓

喻鳧三首

遠冢松回曲渚風其官聞是校書終霜情月思今何在零落人間策子中

憶友人

銀地無塵金菊開紫梨紅棗墮蒹苔一泓秋水一輪月今夜故人來不來

蔣處士宅喜閑公至

絕杯夏別螺江渡單鉢春過處士齋管茗議空經夜半照花明月影侵階

虜患

張陵一首

今日漢家探使回蟻壘胡兵來未歇春風渭水不敢流摠作六軍心上血

萬首唐人絕句卷第三十八

萬首唐人絕句卷第三十九

七言一百首

漢宮曲

徐凝六十二首

水色簾前流玉霜
趙家飛燕侍昭陽
掌中舞罷簫聲絕
三十六宮秋夜長

和嵩陽客月夜憶上清人

獨夜嵩陽憶上仙
月明三十六峯前
瑤池月勝嵩陽月
人在玉清眠不眠

八月望夕雨

今年八月十五夜
寒雨蕭蕭不可聞
如練如霜在何

處吳山越水萬重雲

觀浙江濤

浙江悠悠海西綠驚濤日夜兩翻覆錢塘郭裏看潮人直至白頭看不足

廬山瀑布

虛空落泉千仞直雷奔入江不暫息今古長如白練飛一條解破青山色

嘉興寒食

嘉興郭裏逢寒食落日家家拜掃回唯有縣前蘇小無人送與紙錢來

憶揚州

蕭娘臉下難勝淚桃葉眉頭易得愁天下三分明月夜二分無賴是揚州

八月燈夕寄游越施秀才

四天淨色寒如水八月清輝冷似霜想得越人今夜見孟家珠在鏡中央

八月十五夜

皎皎秋空八月圓常娥端正桂枝鮮一年無似如今夜十二峯前看不眠

題伍員廟

千載空祠雲海頭夫差亡國已千秋
浙波只有靈濤在拜奠青山人不休

貞嶠先生

貞嶠先生無白髮海煙深處採青芝
逢人借問陶唐主欲進冰蠶五色絲

莫愁曲

玳瑁床頭刺戰袍碧紗窗外葉騷騷
若爲教作遼西夢月冷如丁風似刀

寄白司馬

三條九陌花時節萬戶千車看牡丹
爭遣江州白司

馬五年風景憶長安

相思林

遊客遠遊新過嶺每逢芳樹問芳名
長林遍是相思樹爭遣愁人獨自行

寄海嶠丈人

萬丈只愁滄海淺一身誰測歲年遙
自言來此雲邊住曾看秦王樹石橋

寄潘先生

至人知姓不知名聞道黃金骨節輕
世上仙方無覓處欲來西岳事先生

宮中曲二首

披香侍宴插山花
厭著龍綃著越紗
恃賴傾城人不及
檀粧唯約數條霞

身輕入寵盡恩私
署細偏能舞柘枝
一日新粧拋舊樣
六宮爭盡黑烟眉

七夕

一道鵲橋橫渺渺
千聲玉佩過玲瓏
別離還有經年客
悵望不如河鼓星

八月九月望夕雨

八月繁雲連九月
兩回三五晦漫漫
一年悵望秋將

盡不得常娥正面看

喜雪

長愛謝家能詠雪
今朝見雪亦狂歌
楊花道即偷人句
不那楊花似雪何

春飲

烏家若下蟻還浮
白玉尊前倒即休
不是春來偏愛酒
應須得酒遣春愁

二月望日

長短一年相似夜
中秋未必勝中春
不寒不暖看明月
況是從來少睡人

讀遠書

兩轉一回讀遠書
畫簷愁見燕歸初
百花時節教人懶
雲鬢朝來不欲梳

古樹

古樹欹斜臨古道
枝不生花腹生草
行人不見樹少時
樹見行人幾番老

獨住僧

百補袈裟一比丘
數莖長睫覆青眸
多應獨住山林慣
唯照寒泉自剃頭

傷畫松道芬上人

因畫釣臺江山而逝

百法驅馳百年壽
五勞消瘦五株松
昨來聞道嚴陵死
畫到青山第幾重

觀釣臺畫圖

一水寂寥青靄合
兩岸摧萃白雲殘
畫人心到啼猿破
欲作三聲出樹難

荆巫夢思

楚水白波風嫋嫋
荆門暮色雨蕭蕭
相思合眼夢何處
十二峯高巴字遙

浙東故子孟尚書種柳

孟家種柳東城去
臨水逶迤田故
人不似當時大司

馬重來得見漢南春

長洲覽古

吳王上國長洲奢翠黛寒江一道斜傷見摧殘舊宮
樹美人曾插九枝花

却歸舊山望月有寄

年年明月摠相似大抵人情自不同今夜故山依舊
見班家扇樣碧峯東

再歸松溪舊居宿西林

五粒松深溪水清衆山搖落日偏明西林靜夜重來
宿暗記人家犬吠聲

翫花五首

一樹梨花春向暮雪枝殘處怨風來明朝漸校無多
去看到黃昏不欲回

麴塵溪上素紅枝影在溪流半落時時人自惜花腸
斷春風却是等閑吹

朱霞皛皛山枝動綠野聲聲杜宇來誰爲蜀王身作
鳥自啼還自有花開

誰家躑躅青林裏半見殷花欲飲枝憶得倡樓人送
客深紅衫子影門時

花到薔薇明艷絕燕支顛破寒風秋一番弄色一番

退小婦輕粧大婦愁

長慶春

山頭水色薄籠煙
夕客新愁長慶年
身上五勞仍病酒
天杳窻下背花眠

山鷓鴣詞

南越嶺頭山鷓鴣
傳是當時守貞女
化爲飛鳥怨何人
猶有啼聲帶蠻語

鄭女出參丈人詞

鳳釵翠翹雙宛轉
出見丈人梳洗晚
掣曳羅綃跪拜時
柳條無力花枝軟

春雨

花時悶見聯綿雨
雲入人家水毀堤
昨日春風源上路
可憐紅錦枉拋泥

和白使君木蘭花

枝枝轉勢雕弓動
片片搖光玉劒斜
見說木蘭征戍女
不知那作酒邊花

正月十五夜呈幕中諸公

宵游二萬七千人
獨坐重城圈一身
步月游山俱不得
可憐辜負白頭春

樂府新詩

唐詩卷三十一
十一
一聲盧女十三絃早嫁城西好少年不羨越溪歌者
苦采蓮歸去綠窻眠

春陪相公看花宴會二首

丞相邀歡事事同玉簫金管咽東風百分春酒莫辭
醉明日的無今日紅

木蘭花謝可憐條遠道音書轉寂寥春去一年春又
盡幾回空上望江橋

牡丹

何人不愛牡丹花占斷城中好物華疑是洛川神女
作千嬌萬態破朝霞

過馬當

風波隱隱石蒼蒼送客靈鴉拂去檣二月盡頭雲葉
秀小姑新着好衣裳

金谷覽古

金谷園中數尺土問人知是綠珠臺綠珠歌舞天下
絕唯與石家生禍胎

上陽紅葉

洛下三分紅葉秋二分翻作上陽愁千聲萬片御溝
上一片出宮何處流

洛城秋砧

三川水上秋砧發五鳳樓前明月新誰爲秋砧明月
夜洛陽城裏更愁人

和川守侍郎緱山題仙廟

王子緱山石殿明白家詩句詠吹笙安知散席人間
曲不是寥天鶴上聲

和夜題玉泉寺

歲歲雲山玉泉寺年年車馬洛陽塵風清月冷水邊
宿詩好官高能幾人

和秋遊洛陽

洛陽自古多才子唯愛春風爛漫游今到白家詩句

出無人不詠洛陽秋

和嘲春風

源上拂桃燒水發江邊吹杏暗園開可憐半死龍門
樹懊惱春風作底來

侍郎宅泛池

蓮子花邊回竹岸鷄頭葉上盪蘭舟誰知洛北朱門
裏便到江南綠水遊

和侍郎邀宿不至

蟾蜍有色門應鎖街鼓無聲夜自深料得白家詩思
苦一篇詩了一彈琴

自鄂渚至河南將歸江外留辭侍郎

一生所遇唯元白天下無人重布衣欲別朱門淚先
盡白頭遊子白身歸

蠻入西川後

守隘一夫何處在長橋萬里只堪傷紛紛塞外烏蠻
賊驅盡江頭濯錦娘

憶紫溪

長憶紫溪春欲盡千巖交映水回斜巖空水滿溪自
紫水態更籠南燭花

誇紅槿

誰道槿花生感促可憐相計半年紅何如桃李無多
少併打千枝一夜風

塞下

江為一首

萬里黃雲凍不飛磧煙烽火夜深微胡兒移帳寒笳
絕雪路時聞探馬歸

悲老宮人

劉得仁一首

白髮宮娃不解悲滿頭猶自插花枝曾緣玉貌君王
寵準擬人看似舊時

題真娘墓

譚銖一首

武丘山下冢纍纍松栢蕭條盡可悲何事世人偏重

色真娘墓上獨題詩

宮怨

司馬札 四首

柳色參差掩畫樓
曉鶯啼送滿宮愁
年年花落無人見
空逐春泉出御溝

觀郊禮

鍾鼓旌旗引六飛
玉皇初著畫龍衣
泰壇煙盡星河曉
萬國心隨綵仗歸

秋日懷儲嗣宗

故人北遊久不回
霜鴈南度聲何哀
相思聞鴈更惆悵
却向單于臺下來

夜聽李山人彈琴

瑤琴夜久絃秋清
楚客一奏湘煙生
曲終聲盡意不盡
月照竹軒紅葉明

客路

吳仁璧 十首

人寰急景如波委
客路浮雲似蓋輕
回首故山天外碧
十年無計却歸耕

錢塘鶴

人閒路靄青天半
鰲岫雲生碧海涯
雖抱雕籠密扃鑰
可能長在叔倫家

南徐題友人郊居

門前樵徑連江寺岸下漁磯繫海槎待到秋深好時
節與君長醉隱侯家

讀度人經寄鄭仁表

身雖一日塵中老名擬三清會裏題二午九齋餘日
在請君相伴醉如泥

衰柳

金風漸利露珠團廣陌長堤黛色殘水殿狂遊隋煬
帝一千餘里可堪看

賈誼

扶持一疏滿遺編漢陛前頭正少年誰道恃才輕絳

灌却將惆悵弔湘川

鳳仙花

香紅嫩綠共開時冷蝶饑蜂兩不知此際最宜何處
看朝陽初上碧梧枝

春雪

雪霽凝光入坐寒天明由自卧袁安貂裘穿後鶴
弊自此風流不足看

金錢

淺絳濃香幾朶勻日鎔金鑄萬家新堪疑劉寵遺芳
在不許山陰父老貧

秋日聽僧彈琴

金徽玉軫韻冷然言下浮生指下泉
恰稱秋風西北起一時吹入碧湘煙

題都城南莊

崔護一首

去年今日此門中人面桃花相映紅
人面只今何處在桃花依舊笑春風

銅雀妓

吳燭一首

秋色西陵滿綠蕪繁絃急管強懽娛
長舒羅袖不成舞却向風前承淚珠

長門怨

裴交泰一首

自閉長門經幾秋羅衣濕盡淚還流
一種蛾眉明月夜南宮歌管北宮愁

惆悵詩九首

顧甄遠

冤黯黯兮情脉脉簾風清兮窻月白
夢驚枕上爐燼銷不見藥珠宮裏客

禁漏聲稀蟾魄冷紗厨筠簟波光淨
獨坐愁吟暗斷冤滿窻風動芭蕉影

別恨離腸空惻惻風動虛軒池水白
莫言靈圃步難尋有心終効偷桃客

愁遇人間好風景焦桐韻滿華堂靜
鑑鸞釵燕恨何

窮忍向銀床空抱影

綠槐影裏傍青樓
陌上行人漫舉頭
煙水露花無處問
搖鞭凝睇不勝愁

役盡心神銷盡骨
恩情未斷忽分離
平生此恨無言處
只有衣襟淚得知

濃醪艷唱愁難破
骨瘦魂消病已成
若爲多羅年少死
始甘人道有風情

淚滿羅衣酒滿卮
一聲歌斷怨傷離
如今兩地心中事
直是瞿曇也不知

橫泥杯觴醉復醒
愁牽時有小詩成
早知惹得千般

恨悔不天生解薄情

楊柳枝五首

孫魴

靈和風暖太昌春
舞線搖絲向昔人
何似曉來江雨後
一行如畫隔遙津

彭澤初栽五樹時
只應閑看一枝枝
不知天意風流處
要與佳人學畫眉

暖傍離亭靜拂橋
入流穿檻綠搖搖
不知落日誰相送
竟斷千條與萬條

春來綠樹遍天涯
未見垂楊未可誇
晴日萬株煙一陣
閑坊兼是莫愁家

十首當年有舊詞唱青歌翠幾無遺未曾得向行人
道不爲離情莫折伊

春夜

劉兼 四首

薄薄春雲籠素月杏花滿地堆香雪醉垂羅袂倚朱
欄小數玉仙歌未闕

西齋

西齋新竹兩三莖也有風敲碎玉聲莫恨移來欄檻
遠譬如元本此閒生

春遊

柳成金穗草如茵載酒尋花共賞春先入醉鄉君莫

問十年風景在三秦

中夏晝卧

寂寂無聊九夏中倚簷依壁待清風壯圖音策無人
問不及南陽一卧龍

萬首唐人絕句卷第三十九

萬首唐人絕句卷第四十

七言一百首

霜月

李商隱

初聞征鴈已無蟬
百尺樓南水接天
青女素娥俱耐
冷月中霜裏鬪嬋娟

人欲

人欲天從竟不疑
莫言圓蓋便無私
秦中已久烏頭
白却是君王未備知

華山題王母祠

蓮華峯下鎖彫梁
此去瑤池地共長
好為麻姑到東

海勸栽黃竹莫栽桑

華清宮二首

華清恩幸古無倫猶恐蛾眉不勝人未免被他褒女
笑只教天子暫蒙塵

朝元閣迴羽衣新首按昭陽第一人當日不來高處
舞可能天下有胡塵

北齊二首

一笑相傾國便亡何勞荆棘始堪傷小蓮玉體橫陳
夜已報周師入晉陽

巧笑知堪敵萬機傾城最在着戎衣晉陽已陷休回

顧更請君王獵一圍

復京

虜騎胡兵一戰摧萬靈回首賀軒臺天教李令心如
日可要昭陵石馬來

渾河中

九廟無塵八馬回奉天城壘長春苔咸陽原上英雄
骨半向君家養馬來

咸陽

咸陽宮闕蔚嵯峨六國樓臺艷綺羅自是當時秦帝
醉不關天地有山河

同崔八詣藥山訪融禪師

共受征南不次恩，報恩唯是有忘言。
巖花澗草西林路，未見高僧且見猿。

夜雨寄北

君問歸期未有期，巴山夜雨漲秋池。
何當共剪西窗燭，却話巴山夜雨時。

石榴

榴枝婀娜榴實繁，榴膜輕明榴子鮮。
可羨瑤池碧桃樹，碧桃紅頰一千年。

初起

想像咸池日欲光，五更鍾後更回腸。
三年苦霧巴江水，不為離人照屋梁。

柳

柳映江潭底有情，望中頻遣客心驚。
巴雷隱隱千山外，更作章臺走馬聲。

宿駱氏亭寄懷崔雍

竹塢無塵水檻清，相心迢遞隔重城。
秋陰不散霜飛晚，留得枯荷聽雨聲。

夢澤

夢澤悲風動白茅，楚王葬盡滿城嬌。
未知歌舞能多少。

少虛減官厨爲細腰

贈歌妓二首

水精如意玉連環下蔡城危莫破顏
紅綻櫻桃含白雪斷腸聲裏唱陽關

白日相思不奈何嚴城清夜斷經過
只知解道春來瘦不道春來獨自多

寄令狐郎中

嵩雲秦樹久離居雙鯉迢迢一紙書
休問梁園舊賓客茂陵秋雨病相如

漫成

不妨何范盡詩家未解當年重物
華遠把龍山千里雪將來擬並洛陽花

無題

白道縈回入暮霞班駝嘶斷七香車
春風自共何人笑枉破陽城十萬家

杜司勳

高樓風雨感斯文短翼差池不及羣
刻意傷春復傷別人間唯有杜司勳

岳陽樓二首

欲爲平生一散愁洞庭湖上岳陽樓
可憐萬里堪乘

興在是蛟龍解覆舟

漢水方城帶百蠻四鄰誰道亂周班如何一夢高唐
雨自此無心入武關

寄成都二從事

家近紅渠曲水濱全家羅襪起秋塵莫將越客千絲
網網得西施別贈人

屏風

六曲連環接翠帷高樓半夜酒醒時掩燈遮霧密如
此雨落月明俱不知

春日

欲入盧家白玉堂新春催破舞衣裳蝶銜花葉蜂銜
粉共助青樓一日忙

贈白道者

十二樓前再拜辭靈風正滿碧桃枝壺中若是有天
地又向壺中傷別離

無題

聞道閨門萼綠華昔年相望抵天涯豈知一夜秦樓
客偷看吳王苑內花

漢宮詞

青雀西飛竟未回君王長在集靈臺侍臣最有相如

渴不賜金莖露一盃

蝶二首

長眉盡了繡簾開碧玉行收白玉臺為問翠釵釵上
鳳不知香頸為誰回

壽陽公主嫁時粧八字宮眉捧額黃見我佯羞頻照
影不知身屬冶遊郎

隋宮

乘輿南遊不戒嚴九重誰省諫書函春風舉國裁宮
錦半作障泥半作帆

代應

溝水分流西復東九秋霜月五更風離鸞別鳳今何
在十二玉樓空復空

席上作

澹雲輕雨拂高唐玉殿秋來夜正長料得也應憐宋
玉一生唯事楚襄王

訪隱者不遇成二絕

秋水悠悠浸野扉夢中來數覺來希玄蟬聲盡葉黃
落一樹冬青人未歸

城郭休過識者希哀猿啼處有柴扉滄江白石樵漁
路日暮歸來雨滿衣

破鏡

玉匣清光不復持
菱花散亂月輪虧
秦臺一照山雞後
便是孤鸞罷舞時

無題

紫府仙人號寶燈
雲漿未飲結成冰
如何雪月交光夜
更在瑤臺十二層

贈庾十二朱版

時庾在翰林
朱書版也

固漆投膠不可開
贈君珍重抵瓊瑰
君王曉坐金鑾殿
只待相如草詔來

柳

曾逐東風拂舞筵
樂游春苑斷腸天
如何肯到清秋日
已帶斜陽又帶蟬

三月十日流盃亭

身屬中軍少得歸
木蘭花盡失春期
偷隨柳絮到城外
行過水西聞子規

過招國李家南園二首

潘岳無妻客為愁
新人來坐舊粧樓
春風猶自疑聯句
雪絮相和飛不休

長亭歲盡雪如波
此去秦關路幾多
唯有夢中相近分
卧來無睡欲如何

留贈畏之二首

待得郎來月已低寒暄不道醉如泥五更又欲向何處騎馬出門烏夜啼

戶外重陰黯不開含羞迎夜復臨臺瀟湘浪上有煙景安得好風吹汝來

為有

為有雲屏無限嬌鳳城寒盡怕春宵無端嫁得金龜婿辜負香衾事早朝

公子

外戚封侯自有恩平明通籍九華門金唐公主年應

小二十君王未許婚

雞

稻梁猶足活諸鷓妬敵專場好自娛可要五更驚穩夢不辭風雪為陽烏

壬申閏秋題贈烏鵲

繞樹無依月正高鄴城新淚濺雲袍幾年始得逢秋閏兩度填河莫告勞

端居

遠書歸夢兩悠悠只有空床敵素秋塔下青苔與紅樹雨中寥落月中愁

夜半

三更三點萬家眠露欲爲霜月墮烟闌鼠上床蝙蝠
出玉琴時動倚窻絃

飲席代官妓贈兩從事

新人橋上着春衫舊主江邊側帽簷願得化爲江綬
帶許教雙鳳一時銜

代魏宮私贈

來時西館阻佳期去後漳河隔夢思知有宓妃無限
意春松秋菊可同時

代元城吳令暗爲答

背闕歸藩路欲分水邊風日半西曠荆王枕上元無
夢莫在陽臺一片雲

詠史

北湖南埭水漫漫一片降旗百尺竿三百年間同曉
夢鍾山何處有龍盤

日射

日射紗窻風撼扉香羅掩手春事違回廊四合掩寂
寞碧鸚鵡對紅薔薇

題鵝

眠沙卧水自成羣曲岸殘陽極浦雲那解將心憐孔

翠羈雌長共故雄分

梓潼

梓潼不見馬相如更欲南行問酒壚行到巴西覓誰
秀巴西唯是有寒蕪

青陵臺

青陵臺畔日光斜萬古貞魂倚暮霞莫許韓憑爲蛟
蝶等閑飛上別枝花

東還

自有仙才自不知十年長夢采華芝秋風動地黃雲
暮歸去高陽尋舊師

漢宮

通靈夜醮達清晨承露盤晞甲帳春王母西歸方朔
去更須重見李夫人

江東

驚魚潑刺燕翩翩獨自江東上釣船今日春光太漂
蕩謝家輕絮沈郎錢

灞岸

山東今歲點行頻幾處冤魂哭虜塵灞水橋邊倚華
表平時二月有東巡

送臻師二首

唐詩卷四十一
昔去靈山非拂席今來滄海欲求珠楞伽頂上清涼
地善眼仙人憶我無
苦海迷途去未因東方過此幾微塵何當百億蓮花
上一一蓮花見佛身

七夕

鸞扇斜分鳳幄開星橋橫過鵲飛回爭將世上無期
別換得年年一度來

馬嵬

冀馬燕犀動地來自埋紅粉自成灰君王若道能傾
國王輦何由過馬嵬

望喜驛別嘉陵江水二絕

嘉陵江水此東流望喜樓中憶閬州若到閬州還赴
海閬州應更有高樓
千里嘉陵江水色含煙帶月碧於藍今朝相送東流
後由自驅車更向南

贈宇文中丞

欲造中天正急材自緣煙水戀平臺人間只有嵇延
祖最望山公啓事來

閨情

紅露花房白蜜脾黃蜂紫蝶兩參差春窻一覺風流

夢却是同袍不得知

月夕

草下陰蟲葉上霜
朱闌迢遞壓湖光
兔寒蟾冷桂花白
此夜姮娥應斷腸

代應

本來銀漢是紅墻
隔得盧家白玉堂
誰與王昌報消息
盡知三十六鴛鴦

折楊柳二首

暫憑尊酒送無憀
莫損愁眉與細腰
人世死前唯有別
春風爭擬惜長條

含煙惹霧悔依依
萬緒千條拂落暉
爲報行人休盡折
半留相送半迎歸

寄道士

共上雲山獨下遲
陽臺白道細如絲
君今併倚三珠樹
不記人間落葉時

荆山

壓河連華勢孱顏
鳥沒雲歸一望閒
楊僕移關三百里
可能全是爲荆山

次陝州

離思羈愁日欲晡
東周西雍此分塗
回鑿佛寺高多

少望盡黃河一曲無

過鄭廣文舊居

宋玉平生恨有餘
遠循三楚弔三閭
可憐留着臨江宅
異代應教庾信居

東下三旬苦於風土

路遶函關東復東
身騎征馬逐驚蓬
天池遼闊誰相待
日日虛乘九萬風

莫愁

雪中梅下與誰期
梅雪相兼一萬枝
若是石城無艇子
莫愁還自有愁時

夢令狐學士

山驛荒涼白竹扉
殘燈向曉夢清暉
右銀臺路雪三尺
鳳詔裁成當直歸

涉洛川

通谷陽林不見人
我來遺恨古時春
宓妃漫結無窮恨
不爲君王殺灌均

有感

中路因循我所長
古來才命兩相妨
勸君莫強安蛇足
一盞芳醪不得嘗

宮妓

珠箔輕明拂玉墀披香新殿鬪腰支不須看盡魚龍
戲終遣君王怒偃師

宮詞

君恩如水向東流得寵憂移失寵愁莫向尊前奏花
落涼風只在殿西頭

代贈二首

樓上黃昏欲望休玉梯橫絕月中鉤芭蕉不展丁香
結同向春風各自愁

東南日出照高樓樓上離人唱石州揔把春山掃眉
黛不知供得幾多愁

楚吟

山上離宮宮上樓樓前宮畔暮江流楚天
八短黃昏雨宋玉無愁亦自愁

瑤池

瑤池阿母綺窓開黃竹歌聲動地哀八駿日行三萬
里穆王何事不重來

柳

爲有橋邊拂面香何曾自敢占流光後庭玉樹承恩
澤不信年華有斷腸

寄在朝四同年

昔歲陪遊舊跡多風光今日兩蹉跎不因醉本蘭亭
在兼忘當年舊永和

南朝

地險悠悠天險長金陵王氣應瑤光休誇此地分天
下只得徐妃半面粉

題漢祖廟

乘運應須宅八荒男兒安在戀池隍君王自起新豐
後項羽何曾在故鄉

韓冬郎二首

十歲裁詩走馬成冷灰殘燭動離情桐花萬里丹山

路鷓鳳清於老鳳聲

劔棧風檣各苦辛別時冰雪到時春為憑何遜休聯
句瘦盡東陽姓沈人

荅寄餽粥

粥香餽白杏花天省對流鶯坐綺筵今日寄來春已
老鳳樓迢遞憶秋千

東阿王

國事分明屬灌均西陵竟斷斷來人君王不得為天
子半為當時賦洛神

萬首唐人絕句卷第四十

萬首唐人絕句卷第四十一

七言一百首

過景陵

李商隱二

武皇精魄久僊昇
帳殿淒涼煙霧凝
俱是蒼生留不得
鼎湖何異魏西陵

板橋曉別

回望高城落曉河
長亭窻戶壓微波
水僊欲上鯉魚去
一夜芙蓉紅淚多

關門柳

永定河邊一行柳
依依長發故年春
東來西去人情

薄不爲清陰減路塵

楚宮

十二峰前落照微
高唐宮暗坐迷歸朝雲暮雨長相
接猶自君王恨見稀

夕陽樓

花明柳暗繞天愁
上盡重城更上樓
欲問孤鴻向何處
不知身世自悠悠

鴛鴦

雌去雄飛萬里天
雲羅滿眼淚潸然
不須長結風波願
鎖向金籠始兩全

妓席送獨孤雲之武昌

疊嶂千重叫恨猿
長江萬里洗離魂
武昌若有山頭石
爲拂蒼苔檢淚痕

武夷山

只得流霞酒一盃
空中簫鼓當時回
武夷洞裏生毛竹
老盡曾孫更不來

一片

一片瓊英價動天
連城十二昔虛傳
良工巧費真爲累
楮葉成來不直錢

寄成都二從事

紅蓮幕下紫黎新命斷湘南病渴人今日問君能寄
否二江風水接天津

西南行却寄相送者

百里陰雲覆雪泥行人只在雪雲西明朝驚破還鄉
夢定是陳倉碧野雞

四老廟二首

羽翼殊勲棄若遺皇天有運我無時廟前便接山門
路不長青松長紫芝

本爲留侯慕赤松漢庭方識紫芝翁蕭何只解追韓
信豈得虛當第一功

平公門下

梁山兗水約從公兩地差池一旦空謝墅庾村相弔
後自今岐路更西東

謝書

微意何曾有一毫空携筆硯奉龍韜自蒙半夜傳衣
後不羨王祥得佩刀

齊宮詞

永壽兵來夜不扃金蓮無復印中庭梁臺歌管三更
罷猶自風搖九子鈴

夜吟

樹繞池寬月影多
村碁島笛隔風蘿
西亭翠被餘香薄
一夜將愁向敗荷

讀任彥昇碑

任昉當年有美名
可憐才調最縱橫
梁臺初建應惆悵
不得蕭公作騎兵

江上憶嚴五

征南幕下帶長刀
夢筆深藏五色毫
逢着滄江不敢詠
鎮西留與謝功曹

華州周大夫宴席

郡齋何用酒如泉
飲德先時已醉眠
若共門人推禮

分戴崇爭得及彭宣

相思

相思樹上合歡枝
紫鳳青鸞並羽儀
腸斷秦臺吹管客
日西春盡到來遲

送鄭大南覲

黎辟灘聲五月寒
南風無處附平安
君懷一疋胡威絹
爭拭酬恩淚得乾

舊頌

東人望幸久咨嗟
四海于今是一家
猶鎖平時舊行殿
盡無宮戶有宮鴉

代董秀才却扇

莫將畫扇出帷來遮掩春山滯上才若道團圓是明月此中須放桂花開

有感

非關宋玉有微辭却是襄王夢覺遲一自高唐賦成後楚天雲雨盡堪疑

驪山有感

驪岫飛泉泛暖香九龍呵護玉蓮房平明每幸長生殿不從金輿唯壽王

別智玄法師

雲鬢無端怨別離十年移易住山期東西南北皆垂淚却是楊朱真本師

贈孫綺新及第

長樂遙聽上苑鐘綵衣稱慶桂香濃陸機始擬誇文賦不覺雲間有士龍

憶洪文館諸校書

清切曹司近玉除此來秋興復何如崇文館裏丹霜後無限紅梨憶校書

亂石

虎踞龍蹲縱復橫星光漸滅水痕生不須併礙東西

路笑殺厨頭阮步兵

春光

日日春光鬪日光
山城斜路杏花香
幾時心緒渾無事
得及游絲百尺長

過楚宮

巫峽迢迢舊楚宮
至今雲雨暗丹楓
微生盡戀人間樂
只有襄王憶夢中

龍池

龍池賜酒敞雲屏
羯鼓聲高衆樂停
夜半宴歸宮漏永
薛王沉醉壽王醒

卽日

小鼎煎茶面曲池
白鬚道士竹間棋
何人書破蒲葵扇
記得南塘移樹時

吳宮

龍檻沉沉水殿清
禁門深掩斷人聲
吳王宴罷滿宮醉
日暮水漂花出城

嫦娥

雲母屏風燭影深
長河漸落曉星沉
嫦娥應悔偷靈藥
碧海青天夜夜心

殘花

殘花啼露莫留春，尖髻誰非怨別人。若但掩關勞獨夢，瑤釵何日不生塵。

天津西望

虜馬崩騰忽一狂，翠華無日到東方。天津西望腸真斷，滿眼秋波出苑牆。

西亭

此夜西亭月正圓，踈簾相伴宿風煙。梧桐莫更翻清露，孤鶴從來不得眠。

憶住一師

無事經年別遠公，帝城鐘曉憶西峰。煙爐銷盡寒燈

晦童子開門雪滿松

昨夜

不辭鶗鴂妬年芳，但惜流塵暗燭房。昨夜西池涼露滿，桂華吹斷月中香。

海客

海客乘槎上紫氛，星娥罷織一相聞。只應不憚牽牛妬，聊用支磯石贈君。

初食笋

嫩籜香包初出林，於陵論價重如金。皇都陸海應無數，忍翦凌雲一寸心。

寄蜀客

君到臨邛問酒壚近來還有長卿無
金徽却是無情物不許文君憶故夫

海上

石橋東望海連天徐福空來不得僊
直遣麻姑與搔背可能留命待桑田

白雲夫舊居

平生誤識白雲夫再到僊簷憶酒壚
墻外萬株人迹絕夕陽唯照欲棲烏

同學彭道士參寥

莫羨僊家有上真僊家暫謫亦千春
月中桂樹高多少試問西河斫樹人

到秋

扇風浙瀝簾流瀉萬里南雲滯所思
守道清秋還寂寞葉丹苔碧閉門時

華師

孤鶴不睡雲無心衲衣筇杖來西林
院門晝鎖回廊靜秋日當階柿葉陰

華嶽下題西王母廟

神僊有分豈關情八馬虛追落日行
莫恨名姬中夜

沒君王猶自不長生

過華清內廡門

華清別館閉黃昏
碧草悠悠內廡門
自是明時不巡幸
至今青海有龍孫

樂游原

萬樹鳴蟬隔斷虹
樂游原上有西風
羲和自趁虞泉宿
不放斜陽更向東

丹丘

青女丁寧結夜霜
羲和辛苦送朝陽
丹丘萬里無消息
幾對梧桐憶鳳皇

鳳

萬里峰巒歸路迷
未判容彩借山雞
新春定有將雛樂
阿閣華池兩處棲

游曲江

十頃平波溢岸清
病來唯夢此中行
相如未是真消渴
猶放沱江過錦城

櫻桃花下

流鶯舞蝶兩相欺
不取花芳正結時
他日未開今日謝
嘉辰長短是參差

故驛迎弔故桂府常侍

唐詩卷四十一
九
饑鳥翻樹晚雞啼泣過秋原沒馬泥二紀征南恩與
舊此時丹旄玉山西

槿花

風露淒涼秋景繁可憐榮落在朝昏未央宮裏三千
女但保紅顏莫保恩

暮秋獨游曲江

荷葉生時春恨生荷葉枯時秋恨成深知身在情長
在悵望江頭江水聲

任洪農尉獻刺史

黃昏封印點刑徒愧負荆山入座隅却羨卞和雙削

足一生無復沒階趨

贈勾芒神

佳期不定春期賒春物天闕興咨嗟願得勾芒索青
女不教容易損年華

月夜重寄宋華陽姊妹

偷桃竊藥事難兼十二城中鎖彩蟾應共三英同夜
賞玉樓仍是水精簾

訪人不遇

卿卿不惜瑣窗春去作長楸走馬身閒倚繡簾吹柳
絮日高深院斷無人

雨中送客不及

碧雲東去雨雲西苑路高高驛路低秋水綠蕪終盡
分夫君太騁錦障泥

池邊

玉瑄葭灰細細吹流鶯上下燕參差日西千繞池邊
樹憶把枯條撼雪時

賈生

宣室求賢訪逐臣賈生才調更無倫可憐夜半虛前
席不問蒼生問鬼神

送王十三校書分司

多少分曹掌祕文洛陽花雪夢隨君定如何遜綠聯
句每到城東憶范雲

寄惱韓同年二首

簾外辛夷定已開開時莫放艷陽回年華若到經風
雨便是胡僧話劫灰

龍山晴雪鳳樓霞洞裏迷人有幾家我爲傷春心自
醉不勞君勸石榴花

謁山

從來繫日乏長繩水去雲回限不勝欲就麻姑買滄
海一杯春露冷如冰

鈞天

上帝鈞天會衆靈昔人因夢到青冥伶倫吹裂孤生竹却爲知音不得聽

失猿

祝融南去萬重雲清嘯無因更一聞莫遣碧江通箭道不教腸斷憶同羣

戲題友人壁

花逕逶迤柳巷深小欄亭午轉春禽相如解作長門賦却用文君取酒金

寄遠

姮娥搗藥無時已玉女投壺未肯休何日桑田俱變了不教伊水更東流

王昭君

毛延壽畫欲通神忍爲黃金不爲人馬上琵琶行萬里漢宮長有隔生春

舊將軍

雲臺高議正紛紛誰定當時蕩寇勳日暮灞陵原上獵李將軍是舊將軍

曼倩辭

十八年來墮世間瑤池歸夢碧桃閒如何漢殿穿針

夜又向窻中覩阿環

李衛公

絳紗弟子音塵絕
鸞鏡佳人舊會稀
今日致身歌舞地
木繇花暖鷓鴣飛

韋蟾

謝家離別正淒涼
少傅臨岐賭佩囊
却憶短亭回首處
夜來煙雨滿池塘

漫成五章

沈宋裁辭矜變律
王楊落筆得良朋
當時自謂宗師妙
今日唯觀對屬能

李杜操持事略齊
三才萬象共端倪
倪集僊殿與金鑾
殿可是蒼蠅惑曉雞

生兒古有孫征虜
嫁女今無王右軍
借問琴書終一世
何如旗蓋仰三分

代北偏師銜使節
關東裨將建行臺
不妨常日饒輕薄
且喜臨戎用草萊

郭令素心非黷武
韓公本意在和戎
兩都耆舊偏垂淚
臨老中原見朔風

戲題贈驛吏

絳臺驛吏老風塵
耽酒成僊幾十春
過客不勞詢甲

子唯書亥字與時人

寄池州李使君

七月十二夜

桂含爽氣三秋首
莫吐中旬三葉新
正是澄江如練處
玄暉應喜見詩人

花下醉

尋芳不覺醉流霞
倚樹沉眠日已斜
客散酒醒深夜後
更持紅燭賞殘花

五月十五日夜聞京有燈

月色燈光滿帝都
香車寶輦向通衢
身閒不覩中興盛
羞逐香人賽紫姑

偶題二首

小亭閒眠微醉消
山榴海柏枝相交
水紋簾上珊瑚枕
旁有墮釵雙翠翹

清月依微香露輕
曲房小院多逢迎
春叢定是饒棲夜
飲罷莫持紅燭行

月

過水穿樓觸處明
藏人帶樹遠含清
初生欲闕虛惆悵
未必圓時卽有情

城外

露寒風定不無情
臨水當山又隔城
未必明時勝蚌

蛤一生長共月虧盈

景陽井

景陽宮井剝堪悲不盡龍鸞誓死期腸斷吳王宮外
水濁泥猶得葬西施

送阿龜歸華陽

草堂歸意背煙霞黃綬垂腰不奈何因汝華陽求藥
物碧松根下茯苓多

席上贈人

淡雲微雨恣高唐一曲清聲遶畫梁料得也應憐宋
玉只因無奈夢襄王

東南

東南一望日中烏欲逐羲和去得無且向秦樓棠樹
下每朝先覓照羅敷

假日

素琴絃斷酒瓶空倚坐歌眠日已中誰向劉伶天幕
兩更當陶令北窻風

縣中惱飲席

晚醉題詩贈物華罷吟還醉忘歸家若無江氏五色
筆爭奈河陽一縣花

縣宰禱雨

井膏滴滴是精誠
晝夜如絲一夕盈
祗怪閭閻喧鼓吹
邑人同報束長生

寄趙行軍

蓮幕遙臨黑水津
橐鞬無事但尋春
梁王司馬非孫武
且免宮中斬美人

萬首唐人絕句卷第四十一

萬首唐人絕句卷第四十二
七言一百首

送劉寰北歸

劉商 六十一首

南巢登望縣城孤
半是青山半是湖
知爾素多山水興
此回歸去更來無

送王閏歸蘇州

深山窮谷没人來
邂逅相逢眼漸開
雲鶴洞宮君未到
夕陽帆影幾時回

送人往虔州

莫歎乘輶道路賒
高樓日日望還家
人到南康皆下

淚唯君笑向此中花

送僧往湖南

閒出東林日影斜
稻苗深淺映袈裟
船到南湖風浪靜
可憐秋水照蓮花

送元使君自楚移越

露冕行春向若耶
野人懷惠欲移家
東風二月淮陰郡
唯見棠梨一樹花

移居深山

不食黃精不采薇
葛苗爲帶草爲衣
孤雲更入深山去
人絕音書鴈自飛

送王永二首

君去春山誰共游
鳥啼花落水空流
如今送別臨溪水
他日相思來水頭

送別

綿衣似熱袂衣寒
時景雖和春已闌
誠知暫別那惆悵
明日藤花獨自看

灞岸青門有弊廬
昨來聞道半丘墟
陌頭空送長安使
舊里無人可寄書

送王貞

清陽玉潤復多才
邂逅佳期過早梅
槿花亦可浮杯

上莫待東籬黃菊開

送薛六暫游揚州

志在乘軒鳴玉珂
心期未快隱青蘿
廣陵行路風塵合
城郭新秋砧杵多

送楊行元赴舉

晚渡邗溝惜別離
漸看烽火馬行遲
千鈞何處穿楊葉
二月長安折桂枝

行營送人

鞞鼓喧喧對古城
獨尋歸鳥馬蹄輕
回來看覓鶯飛處
卽是將軍細柳營

滑州送人先歸

河水冰消鴈北飛
寒衣未足又春衣
自憐漂蕩經年客
送別千回獨未歸

送濟上人

木落前山霜露多
手持寒錫遠頭陀
眼看庭樹梅花發
不見詩人獨詠歌

高郵送弟遇北遊

門臨楚國舟船路
易見行人易別離
今日送君心最恨
孤帆水下又風吹

送豆盧郎赴海陵

煙波極目已沾襟
路出東塘水更深
看取海頭秋草色
一如江上別離心

送女子

青娥宛宛聚爲裳
烏鵲橋成別恨長
惆悵梧桐非舊影
不悲鴻雁暫隨陽

酬道芬寄畫松

聞道鉛華學沈寧
寒枝浙瀝葉青青
一株將比囊中樹
若箇年多有茯苓

山翁持酒相訪以畫松酬之

白社風霜驚暮年
銅瓶桑落慰秋天
憐君意厚留新

畫不著松枝當酒錢

題潘師房

渡水傍山尋絕壁
白雲飛處洞門開
仙人來往行無跡
石徑春風長綠苔

謝自然却還舊居

仙侶招邀自有期
九天升降五雲隨
不知辭罷虛皇日
更向人間住幾時

寄李備

挂却衣冠披薜荔
世人應是笑狂愚
年來漸覺髭鬚黑
欲寄松花君用無

贈頭陀師

少壯從戎馬上飛
雪山童子未緇衣
秋山年長頭陀處
說我軍前射虎歸

贈嚴四草履

輕微管蒯將何用
容足偷安事頗同
日入信陵賓館靜
贈君閒步月明中

題劉偃莊

何事退耕滄海畔
閒看富貴白雲飛
門前種稻三回熟
縣裏官人四考歸

題黃陂夫人祠

蒼山雲雨逐明神
唯有香名萬歲春
東風二月黃陂水
只見桃花不見人

題道濟上人房

何處營求出世間
心中無事卽身閒
門外水流風葉落
唯將定性對前山

梨樹陰

福庭人靜少攀援
雨露偏滋影易繁
磊落紫香香亞樹
清陰滿地晝當軒

秋蟬聲

蕭條旅舍客心驚
斷續僧房靜又清
借問蟬聲何所

爲人家古寺兩般聲

歸山留別子姪二首

車馬驅馳人在世東西南北鶴隨雲莫言貧病無留別百代簪纓將付君

不逐浮雲不羨魚杏花茅屋向陽居鶴鳴華表應傳語鴈度霜天懶寄書

與湛上人院畫松

水墨乍成巖下樹摧殘半隱洞中雲猷公曾住天台寺陰雨後聲何處聞

白沙宿竇常宅觀妓

桐子澄江映晚霞柳條垂岸一千家主人留客江邊宿十月繁霜見杏花

上巳日縣寮會集不遂馳赴

踏青看竹共佳期春水晴山被袂詞獨坐郵亭心欲醉櫻桃落盡暮愁時

懷張瓌

苔石蒼蒼臨澗水陰風裊裊動松枝世間唯有張通會流向衡陽那得知

與于中丞

萬頃荒林不敢看買山容足擬求安田園失計全蕪

沒何處春風種蕙蘭

袁十五遠訪山門

僻居謀道不謀身避病桃源不避秦
遠入青山何所見寒花滿徑白頭人

行營病中

心許征南破虜歸可言羸病卧戎衣
遲遲不見憐弓箭惆悵秋鴻敢近飛

合谿水漲寄敬山人

共愛碧谿臨水住相思來往踐莓苔
而今却欲嫌谿水雨漲春流隔往來

不羨花

惆悵朝陽午又斜剩栽桃李學仙家
花開花落人如舊誰道容顏不及花

醉後

春草秋風老此身一瓢長醉任家貧
醒來還愛浮萍草漂寄官河不屬人

題水洞二首

桃花流出武陵洞夢想仙家雲樹春
今看水入洞中去却是桃花源裏人

長看巖穴泉流出忽聽懸泉入洞聲
莫摘山花拋水

上花浮出洞世人驚

代人村中悼亡二首

花落茅簷轉寂寥
魂隨暮雨此中銷
邈來庭柳無人折
長得垂枝一萬條
虛室無人乳燕飛
蒼苔滿地履痕稀
庭前唯有薔薇在
花似殘粧葉似衣

觀獵三首

夢非熊虎數年間
驅盡豺狼宇宙閒
傳道單于聞校獵
相期不敢過陰山

日隱寒山獵未歸
鳴絃落羽雪霏霏
梁園射盡南飛雁
淮楚人驚陽鳥啼
松月東軒許獨遊
深恩未報復淹留
梁園日暮從公獵
每過青山不舉頭

畫石

蒼蘚千年粉繪傳
堅貞一片色猶全
那知忽遇非常用
不把分銖補上天

詠雙開蓮花

菡萏新花曉並開
濃粧美笑面相隈
西方采畫嘉陵鳥
早晚雙飛池上來

夜聞鄰管

何事霜天月滿空
鸚鵡百轉向春風
鄰家思婦更長
短楊柳如絲在管中

山中寄元二侍御二首

心期汗漫臥雲扃
家計漂零水上萍
桃李向秋彫落
盡一枝松色獨青青

拖紫鏘金濟世才
知君倚玉望三台
深山窮谷無人
到唯有狂愚獨自來

上崔十五老丈

天漢乘槎可問津
寂寥深景到無因
看花獨往尋詩
客不爲經時謁丈人

袁德師求畫松

柏偃松斂勢自分
森梢古意出浮雲
如今眼暗畫不
得舊有三株持贈君

早夏月夜問王開

清風首夏夜猶寒
嫩笋侵階竹數竿
君向蘇臺長見
月不知何似此中看

裴十六廳卽事

主人能政訟庭閒
帆影雲峰戶牖間
每到夕陽嵐翠
近只言籬障倚前山

春日行營卽事

風引雙旌馬首齊曹南戰勝日平西爲儒不解從戎
事花落春深聞鼓鼙

畫樹後呈濬師

翔鳳邊風十月寒蒼山古木更摧殘爲君壁上畫松
柏勁雪嚴霜君試看

弔從甥

日晚河邊訪惲獨衰柳寒蕪遶茅屋兒童驚走報人
來孀婦開門一聲哭

商山

曹松九首

垂白商於原下住兒孫共死一身忙木弓未得長離

手猶與官家射麝香

題院僧松

空山澗畔枯松樹老對禪堂鱗甲身傳是昔朝僧種
着下頭應有茯苓神

已亥歲二首

澤國江山入戰圖生民何計樂樵漁憑君莫話封侯
事一將功成萬骨枯
波間一戰百神愁兩岸強兵過未休誰道滄江總無
事近來長共血爭流

亂後入洪州西山

寂寂陰谿水漱苔塵中將得苦吟來東峰道士如相
問縣尉而今不姓梅

送僧入廬山

若到江州二林寺遍遊應未出雲霞廬山瀑布三千
仞畫破青霄始落斜

江西逢僧

闕地高僧楚地逢伴遊蠻錫挂垂松白雲逸性都無
定纔出雙峰愛五峰

鍾陵寒食日郊外閒游

可憐時節足風情杏子粥香如冷餠無奈春風輸舊

火遍教人喚作山櫻

中秋對月

無雲世界秋三五共看蟾盤上海涯直到天頭天盡
處不曾私照一人家

題李太尉平泉莊 汪遵 二十一首

水泉花木好高眠嵩少縱橫滿目前惆悵人間不平
事今朝身在海南邊

戰城南

風沙刮地塞雲愁平日交鋒晚未休白骨又霑新戰
血青天猶列舊旄頭

延平津

三尺晶熒射斗牛豈隨凡手報冤讐延平一日爲龍
處看取風雲布九州

項亭

不修仁德合文明天道如何擬力爭隔岸故鄉歸不
得十年空負拔山名

烏江

兵散弓殘挫虎威單槍匹馬突重圍英雄去盡羞容
在看却江東不得歸

綠珠

大抵花顏最怕秋南家歌歇北家愁從來幾許如君
貌不肯如君墜玉樓

升遷橋

漢朝卿相盡風雲司馬題橋衆又聞何事不如楊德
意解搜賢哲薦明君

隋柳

夾浪分堤萬樹餘爲迎龍舸到江都君看靖節高眠
處只向衡門種五株

楊柳

亞夫營畔柳濛濛隋主堤邊四路通攀折贈君還有

意翠眉輕嫩怕春風

桐江

光武重興四海寧漢臣無不受浮榮嚴陵何事輕軒冕獨向桐江釣月明

招隱

罷聽泉聲看鹿羣丈夫才策合匡君早携書劍離巖谷莫待蒲輪輾白雲

陳宮

椒宮荒宴竟無疑倏忽山河盡入隋留得後庭亡國曲至今猶與酒家吹

樊將軍廟

玉輦曾經陷楚營漢皇心怯擬休兵當時不得將軍力日月須分一半明

東海

漾舟雪浪映花顏徐福携將竟不還同作危時避秦客此行何似武陵灘

昭君

漢家天子鎮寰瀛塞北羌胡未罷兵猛將謀臣徒自貴蛾眉一笑塞塵清

五湖

已立平吳霸越功
片帆高颺五湖風
不知戰國官榮者
誰似陶朱得始終

澗池

西秦北趙各稱高
池上張筵列我曹
何事君王親擊缶
相如有劔可吹毛

函谷關

脫禍東奔壯氣摧
馬如飛電轂如雷
當時若不聽彈鋏
那得關門半夜開

詠酒二首

九醞松醪一曲歌
本圖閒放卷天戈
後人不識前賢

意破國亡家事甚多

萬事銷沉向一杯
竹門啞軋爲風開
秋宵睡足芭蕉雨
又是江湖入夢來

蒼頡臺

觀跡成文代結繩
皇風儒教浩然興
幾人從此休耕釣
吟對長安雪夜燈

聽盛小叢歌贈崔侍御 李訥一首

繡衣奔命去情多
南國佳人歛翠娥
曾向教坊聽國樂
爲君重唱盛叢歌

奉和

楊知言一首

燕趙能歌有幾人，爲花回雪似含顰。
聲隨御史西歸去，誰伴文翁怨九春。

奉和

封彥沖一首

蓮府纔爲綠水賓，忽乘驄馬入咸秦。
爲君唱作西河調，日暮偏傷去住人。

奉和

盧鄴一首

何郎戴薦別賢侯，更吐歌珠宴庾樓。
莫道江南不同醉，卽陪舟楫上京遊。

奉和

高湘一首

謝安春渚餞袁宏，千里仁風一扇清。
歌黛慘時方醖

酹不知公子重飛觥

奉和

盧澂一首

烏臺上客紫髯公，共捧天書靜鏡中。
桃葉不須歌白苧，耶谿暮雨起樵風。

奉和

崔元範一首

羊公留宴峴山亭，洛浦高歌五夜情。
獨向柏臺爲老吏，可憐林木響餘聲。

思歸寄靈澈

韋丹一首

王事紛紛無暇日，浮生冉冉只如雲。
已爲平子歸休計，五老巖前必共聞。

唐詩卷之四十一
七
荅澈公

空山泉落松窻靜
閒地草生春日遲
白髮漸多身未
退依依常在永禪師

萬首唐人絕句卷第四十二

長樂堂
藏書

程